



The European Law Students' Association

ZENICA

Evropsko udruženje studenata prava Zenica

PREDMET: Poziv za učešće u radu studentske naučne konferencije

Poštovani/a,

Evropsko udruženje studenata prava Zenica (ELSA Zenica) ima čast da Vas pozove da učestvujete u radu I studentske naučne konferencije na temu: **Klimatske promjene i zaštita okoliša u Bosni i Hercegovini**. Konferenciju organizuje ELSA Zenica uz podršku Pravnog fakulteta Univerziteta u Zenici a pod finansijskim pokroviteljstvom Ministarstva za obrazovanje i nauku FBiH.

U našoj državi se jako malo pažnje posvećuje klimatskim promjenama i problemima zaštite okoliša iako je ova tematika postala vodeća tematika na svjetskim konferencijama i simpozijima. Kompleksan državni aparat i raspodjela nadležnosti u velikoj mjeri onemogućavaju jedan sveobuhvatan pristup javne vlasti pitanju okoliša i okolišnih problema. Potaknuti manjkom javnog diskursa o okolišnim problemima kao i nedostatkom recentne naučne građe koja problematizira pitanje klimatskih promjena i zaštite okoliša u BiH odlučili smo se za organizovanje studentske naučne konferencije koja bi na jedno mjesto okupila mlade istraživače iz oblasti prava, ekonomije, mašinstva, metalurgije, političkih, zdravstvenih i drugih nauka sve u cilju naučno istraživačkog rada na polju klimatskih promjena i zaštite okoliša u Bosni i Hercegovini. Cilj ove konferencije jeste upoznavanje javnosti o klimatskim promjenama i ekološkim problemima u našoj zemlji te iznalaženje najboljih rješenja navedenih problema putem multidisciplinarnog naučnog pristupa.

Tema konferencije je široko postavljena tako da izlagače ne ograničava da sadržaj svojih radova odrede prema području svog naučnog interesovanja.

Broj izlagača ograničen je na 20. Poziv je otvoren za sve studente III i IV godine dodiplomskog studija, diplomante, studente magistrarskih studija i magistrante, studente

doktorskih studija, aktiviste u nevladinim organizacijama, aktiviste u lokalnoj zajednici i sve mlade istraživače do 35 godina.

Izlagачi će svoje radove prezentirati na I studentskoj naučnoj konferenciji koja će se održati 1.12.2021. godine u prostorijama Pravnog fakulteta Univerziteta u Zenici. Organizator Konferencije snosi troškove prevoza od mjesta prebivališta do Zenice i natrag, troškove osvježenja u toku Konferencije kao i svečani ručak na kraju Konferencije.

Svi izlagачi na Konferenciji dobit će mogućnost da svoje radove objave u tematskom broju časopisa Anali Pravnog fakulteta Univerziteta u Zenici, koji je indeksiran u prestižnim bazama podataka poput HeinOnline, CEEOL, EBSCOhost, Erih+. Također, na Konferenciji će se izabrati tri najbolja naučna rada koji će biti nagrađeni novčanim nagradama.

U nadi da ćete prihvatiti naš poziv i učestvovati u radu Konferencije, molimo Vas da svoje prijave koje sadrže ime i prezime, kratku biografiju, naslov i sažetak rada sa ključnim riječima, dostavite najkasnije do 30.09.2021. godine na mail adresu elsa.zenica@gmail.com.

Značajni datumi Konferencije:

Prijava teme i sažetka rada: 30.09.2021.

Obavijest o prihvatanju prijave i sažetaka: 4.10.2021.

Dostavljanje kompletnog rada: 8.11.2021.

Dostavljanje agende Konferencije: 24.11.2021.

Datum održavanja Konferencije: 1.12.2021.

Iskreno se nadamo da ćete prihvatiti naš poziv i svojim učešćem doprinijeti radu Konferencije.

S poštovanjem,

Ajlin Humkić, predsjednica ELSA Zenica